

# Qishloq hayoti

2013 йил

Обод турмуш йили

Қишлоқ ҳаёти

Ўзбекистон Республикаси ијтимоий-иқтисодий газетаси

www.qishloqhayoti.uz

2013-ЙИЛ 3-СЕНТАБР, SESHANBA, 107 (8188)-сон

1974-йил 1-январдан чиқа бoshлаган  
Баҳоси келишилган нархда.



— Фермерлик туйфайли бугун қишлоқда обрўйимиз, ўрнимиз бор, оиламиз тўқ, рўзгоримиз бут, — дейди Оҳангарон туманидаги «Ҳожиакбар» фермер хўжалиги раҳбари Акбар Мунавваров. — Мулк ўзимизники бўлгач, хўжалиkning ташвишлари, шартномалар тузиш, маҳсулотни кимга сотиш — ҳаммасини ўзимиз ҳал қиламиз.



Ширмонбулоқ қишлоғининг таърифни эшитмаган юртдошларимиз бўлмаса керак. Қишлоқ табиати шу қадар гўзал ва сўлимки, баҳордан то кеч кузгача меҳмонлар билан гавжум бўлади. Ушбу қишлоқ одамларининг меҳнатда, бунёдкорликда ва маънавий ҳаётда пешқадам эканликлари гаваҳ қилгувчилар бисёр.



Термиз ҳайвонот боғини табиатнинг жонли музейи десак муболага бўлмайди. Ушбу масканда ҳозирда 141 турдаги 382 та жонивор ва паррандалар мавжуд. Боғидаги жонзотларнинг қарийб 80 фоизи халқаро ва республикамиз “Қизил китоб”га киритилган.

САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА САҲИФАЛАРДА

## ҚАДР-ҚИММАТИМ, ТАЯНЧИМ ВА ИФТИХОРИМСАН, МУСТАҚИЛ ЎЗБЕКИСТОН!



Рашид ГАЛИЕВ олган суратлар.

## САМИМИЙ ҚУТЛОВЛАР

Давлатимиз раҳбари Ислам Каримов номига Ўзбекистон Республикаси мустақиллигининг 22 йиллиги муносабати билан хорижий давлат ва ҳукуматлар, халқаро ва минтақавий ташкилотлар раҳбарларидан, сиёсат ва жамоат арбобларидан самимий қутловлар ҳамон келиб турибди. Мазкур қутловларда самимий муборақбод сўзлари изҳор этилган бўлиб, Юртбошимизга ва Ўзбекистон халқи га энг эзгу тилаклар йўлланган. Бирлашган Миллатлар Ташкилоти Бош котиби Пан Ги Мун йўллаган табрик мактубида шундай дейилади:

### Ўзбекистон Республикаси Президенти Ислам Каримов Жаноби Олийларига

Жаноби Олийлари!  
Мустақиллик кўни муносабати билан Сизга, Ўзбекистон ҳукумати ва халқи га энг самимий қутловларимни изҳор қилиш менга катта мамнуният бахш этади. Ҳар бир мамлакат ўз маданияти, тарихи ва эришган ютуқлари билан беназирдир. Айни пайтда жаҳон мамлакатлари ўзаро узвий ва муштарак ришталар билан боғланган. БМТга аъзо барча давлатлар, уларнинг катта-кичиклиги ёки бойлигидан қатъи назар, ўз халқлари ва умуман сайёрамиз учун яхшироқ келажақни барпо этишда муҳим роль ўйнайди. Бирлашган Миллатлар Ташкилоти янада хавфсиз ва барқарор истиқболни вужудга келтириш учун муҳим воситадир. Кейинги йилларда биз кўпгина ютуқларга, шу жумладан Мингйиллик тараққиёт мақсадларини қўллаб-қувватлаш йўлида глобал сафарбарликка эришдик. Шунга қарамай, барқарор ривожланиш мақсадларига эришиш учун 2015 йилгача ва ундан кейин ҳали кўп ишларни амалга ошириш лозим бўлади. Мамлакатингиз Ташкилот ишида фаол қатнашиб келаётганлиги барча учун тинчлик, тараққиёт ва инсон ҳуқуқларини таъминлаш борасидаги муштарак мақсадларимизни олға силжитишда муҳим аҳамиятга эгадир. Жаноби Олийлари, Сизга бўлган гоъят юксак хурмат-эҳтиромларимни қабул қилгайсиз.

Пан Ги МУН,  
Бирлашган Миллатлар Ташкилоти Бош котиби

\*\*\*

Куйидагилар ҳам ўз табрикномаларини йўллаган:

- Корея Республикаси Президенти Пак Кин ХЭ;
- Испания Қироли Хуан КАРЛОС I;
- Арманистон Республикаси Президенти Серж САРГСЯН;
- Қатар Давлати Амири Шайх Тамим бин Ҳамад Ол СОНИЙ;
- Яман Республикаси Президенти Абду Раббу Мансур ХОДИ;
- Бангладеш Халқ Республикаси Президенти Абдул ҲАМИД;
- Мьянма Иттифоқи Республикаси Президенти Тейн СЕЙН;
- Корея Халқ Демократик Республикаси Олий Халқ Мажлиси Президиумининг Раиси Ким Ен НАМ;
- Шанхай ҳамкорлик ташкилоти Бош котиби Дмитрий МЕЗЕНЦЕВ;
- БМТ Бош котибининг Махсус вакили, БМТнинг Марказий Осиё учун превентив дипломатия бўйича Минтақавий Маркази раҳбари Мирослав ЕНЧА;
- Туркистонликларнинг Америкадаги жамияти раиси Абдулла ХУҲА;
- “Сока Гаккай Интернейшнл” жамияти президенти Дайсаку ИКЕДА.

Қутловлар келиши давом этмоқда.

## ЯНГИ ЎҚУВ ЙИЛИНИНГ БИРИНЧИ ҚЎНФИРОҒИ

ЮРТИМИЗДАГИ БАРЧА ТАЪЛИМ МАСКАНЛАРИДА 2 СЕНТЯБРЬ КУНИ «МУСТАҚИЛЛИК ДАРСИ» БИЛАН ЯНГИ ЎҚУВ ЙИЛИ БОШЛАНДИ

Президентимиз Ватанимиз мустақиллигининг 22 йиллигига бағишланган тантанали маросимдаги табрик сўзида юртимиз ёшларга қарата: «...Биз ўз олдимизга қўйган келажақга буюқ давлат қуришдек олижаноб мақсадга етиш йўлида мен сизлар каби мард ва шижоатли ёшларимизга, илму фан чўққиларини эгаллашга бел боғлаган, қийинчилик ва синовлар олдида бош эгмайдиган, бугун ҳаётимизнинг ҳал қилувчи кучи бўлиб майдонга чиқаётган соғлом ва баркамол авлодимизга ишонаман», — дея таъкиллади.

Юртбошимиз томонидан билдирилган бу юксак ишончга ҳамоҳанг равишда кўчи кеча мамлакатимиздаги барча таълим масканларида янги ўқув йили бошлангани ва «Билимлар кўни» муносабати билан мустақиллик дарслари ташкил этилди. «Қадр-қимматим, таянчим ва ифтихоримсан, мустақил Ўзбекистон!» шиори остида байрам шукухи кезиб юрган айни дамларда бу бежиз эмас, албатта. Зеро, билим оламига илк қадам Она Ватани, Истиқлол бизга берган бебаҳо имкониятларни, истиқлолнинг истиқболли кунларини қалбан англашдан бошланади. — Бугунги кунда мамлакатимизда 15730 та таълим муассасаси, жумладан, 9765 та умумтаълим мактаби, 4962 та мактабгача таълим муассасаси, 211 та «Баркамол авлод» болалар маркази, 299 та мусиқа ва санъат мактаби, 445 та болалар ва ўсмирлар спорт мактаби, 27 та Меҳрибонлик уйи, 16 та педагог кадрларни қайта тайёрлаш ва малакаси-


ни ошириш институти, 5 та педагогика институти фаолият кўрсатмоқда, — дейди Ўзбекистон Халқ таълими вазирлиги матбуот хизмати раҳбари Баҳриддин Шайвалиев. — Жорий йилда ҳам янги мавсумга пухта тараддуд кўрилди. 2004-2009 йилларда Мактаб таълимини ривожлантириш давлат умуммиллий дастури доирасида бажарилган ишлар натижасида таълим-тарбия муассасалари моддий-техник базаси мустаҳкамланди. Утган давр мобайнида республикамиздаги жами 9765 та мактабнинг 7515 тасида қурилиш-таъмирлаш ишлари амалга оширилди. Шундан 424 та янги мактаб қурилган бўлса, 3006 та мактаб реконструкция қилинди, 4085 та мактаб эса капитал таъмирланди.

(Давоми 2-саҳифада)

## ЖАҲОН СТАНДАРТЛАРИ ДАРАЖАСИДАГИ СИФАТ



Фарғона шаҳридаги «Фарғона-Турон-Текстиль» корхонасида ишлаб чиқарилаётган ип-калаваниннг сифати юксаклиги боис, экспорт салоҳияти ошиб бормоқда.



ҳамда тайёр маҳсулот ишлаб чиқаришга бўлган жараён такомиллаштирилгани боис, маҳсулот сифати юксак, ишлаб чиқариш самарадорлиги эса ошмоқда. Корхонада ишчиларга бепул тушлик ташкил этилган, цехларда қулайликларга эга бўлган дам олиш хоналари эса меҳнат унумдорлигини ошириш имконини бераётир. Иш бошлаганига энди саккиз ой бўлган бу корхонанинг ички имкониятлари кенгайтирилган сари аҳоли бандлигини таъминлаш, ишчи-хизматчиларнинг даромадларини тобора ошириш масалалари ҳам ўзининг иjobий ечимини топмоқда. Хамиджон БУРҲОНОВ, «Qishloq hayoti» муҳбири.

520 ишчини бирлаштирган ушбу корхонада йил охиригача 9000 тонна пахта кайта ишлаш, 8200 тонна ип-калава ишлаб чиқариш кўзда тутилган. Лекин ҳозирги иш унуми бу кўрсаткичга қараганда кўпроқ самарага эришиш имконини кўрсатмоқда. Илгари «Фарғона-Турон-Текстиль» масъулияти чек-

ланган жамияти ўрнида «Фарғона текстил комбина-ти» фаолият кўрсатар, оддий, эскирган дастгоҳларда пахта калаваси ва ипи ишлаб чиқарилар эди. Маҳсулот сифати талаб даражасидан паст, меҳнат сарфи анча юқори бўлганидан кейин таннарх ошиб кетган эди. Корхона 2005 йилга келиб, бутунлай банкротга уч-

рагач, «ноль» қийматда «Туронбанк» тасарруфига ўтказилди. Корхонани оёққа турғазини учун 38 миллиард сўм миқдорида инвестиция қилинди. — Ана шу маблагнинг 11 миңг 900 еврога тенг қисми конвертация қилиниб, Германиянинг «Труслер» фирмасидан энг янги замонавий дастгоҳлар олиб келиб

ўрнатилди, — деди МЧЖ ишлаб чиқариш бўлимининг бошлиги Мухаммаджон Райимжонов. — Бу дастгоҳлар компьютерларда про-

граммалаштирилган ҳолда ишлатилапти. Иш жараёни бир-бирига боғланган. Пахта титишдан тортиб ип-калава ва йгирув цехлари





